

Aziz Sh. TAJIEV,

PhD. in history, Scientific Secretary of the Imam Maturidi International Scientific Research Center:
A.Kadiri str 11, 100011, Tashkent, Uzbekistan.

E-mail: azitoho_83@mail.ru

VII-VIII АСРЛАРДА ҲАДИСЛАР ЁЗМА ЖАМЛАНИШИНинг ЎЗИГА ХОС ХУСУСИЯТЛАРИ

ОСОБЕННОСТИ ПИСЬМЕННЫХ СОБРАНИЙ ҲАДИСОВ В VII-VIII ВЕКОВ

FEATURES OF THE WRITTEN COLLECTIONS OF HADITH IN THE VII- VIII CENTURIES

КИРИШ

Ҳадислар ислом динининг Қуръони каримдан кейинги иккинчи асосий манбаси сифатида мусулмон халқларнинг дунёкараши, тафаккур тарзи ҳамда қадриятларининг шаклланишига улкан таъсир кўрсатган. Айни вақтда ҳадислар ислом дини асослари ва таълимоти ҳамда тарихига оид қимматли маълумотларни бериш билан бир қаторда, юксак ахлоқий манба ҳам хисобланади.

Ҳадислар Пайғамбар соллаллоҳу алайҳи васалламнинг айтган сўзлари, килган ишлари, тақрирлари (бирор ишни кўриб, ундан қайтармаганлари ёки маъкуллаганлари), одоб-ахлоқлари, ташқи қўринишлари ҳамда биографиялари (пайғамбар сийрати)га оид маълумотларни акс эттирган ривоятларни ташкил этади. Шу нуқтаи назардан, ҳадисларни илмий асосда ўрганган мутахассис – муҳаддислар уларни “қавлий” (قولي), “феълий” (فعلي), “такририй” (تقريري), “халқий” (خلفي) ва “хулқий” (خليقي) деб номланувчи турларга таснифлаган ҳолда тадқиқ қилганлар. “Ҳадис” (حدیث) – кўпликда “ахадис” (احادیث) – сўзи луғавий жиҳатдан “гап”, “сўз”, “хабар”, “ҳикоя”, “янги”, “замонавий” деган маъноларни англатади (В. Гиргас, 2006:15).

Ҳадисларга бўлган илмий қизиқиш, хусусан, уларни изчил ўрганиш илк ислом давридаёт ғашланган. Жумладан, саҳобийларнинг ҳадисларни ўрганишга бўлган ёндашувлари, хусусан, уларни тушуниш, шарҳлаш ва амалиётга татбиқ этишда қўлланилган услублар умумий ном билан “Улум

ал-ҳадис” (Ҳадис илмлари) деб номланувчи, ҳадисларга оид барча тармоқларни ўз ичига оловчи илмнинг юзага келиши ҳамда ривожланишида муҳим аҳамият қасб этган.

Саҳобийлар ҳадисларни Пайғамбар соллаллоҳу алайҳи васалламдан бевосита эшитиш, у зотнинг килган ишлари ва тақрирларига бевосита ёки билвосита гувоҳ бўлиш орқали қабул қилиб олганлар. Маълум сабабларга кўра Пайғамбар соллаллоҳу алайҳи васалламнинг мажлисларида иштирок эта олмасдан, ҳадисларни бевосита у зотдан қабул қилиб олиш имкониятига эга бўлмаган саҳобийлар уларни бошқалардан сўраб-сурештириб, билиб олганлар. Жумладан, Бароъ ибн Озиб Авсий (ваф. 689–691) бу ҳақда тўхталиб: “Биз барча ҳадисларни Пайғамбар соллаллоҳу алайҳи васалламнинг ўзларидан эшиитмаганмиз. У зотдан эшиитмаган ҳадисларни бошқа саҳобийлардан сўраб билиб олар эдик. Баъзан биз тuya боқиши билан машғул бўлиб, ҳадисларни эшитиш имкониятига эга бўлмас эдик. Шу сабабли уларни Пайғамбар соллаллоҳу алайҳи васалламдан бевосита эшиитган, хотираси кучли саҳобийлардан сўраб билиб олар эдик”, деб таъкидлайди (М. Хатиб, 1981:53).

Юкорида келтирилган маълумотлар саҳобийларнинг ўзлари эшиитган ёки гувоҳ бўлган ҳадисларни мукаммал тарзда ёдда сақлаб қолишга ҳамда имкон қадар қолганларга ҳам етказишга ҳаракат қилганларини кўрсатади. Бу эса, ўз навбатида, ҳадисларнинг саҳобийлар, сўнгра улардан кейинги авлодлар томонидан ёдда сақланиб, турли худудларга тарқалишига сабаб бўлган. Ҳадисларнинг муҳаддисга етиб келишига кўра “мутавотир” ва “оҳод” деган турларга ажратилиши ҳам айнан уларни бевосита эшиитган ёки гувоҳ бўлган саҳобийларнинг адади билан боғлиқ.

АСОСИЙ ҚИСМ

Саҳобийлар ва ёши улуғ тобеинлар яшаган VII асрда ҳадислар хали тўплам шаклига келтирилмаган эди. Бирок айrim саҳобийларда шахсий фойдаланиш мақсадида турли ашёларга ёзиб олинган ҳадислар мавжуд бўлган. Чунки Пайғамбар соллаллоҳу алайҳи васаллам ҳаётлик чоғида муайян диний масала юзасидан туғилган саволнинг жавобини бевосита у зотнинг ўзидан олиш имконияти мавжуд бўлгани сабабли ҳадисларни бир жойга йиғиб, жамлаб бориш зарурати бўлмаган. Шу билан бир қаторда, Қуръон оятлари нозил бўлиб турган вақтда Пайғамбар

Аннотация: Мақолада VII-VIII асрларда ҳадисларнинг ёзма жамланиши тарихи, хусусан, муҳаддислар томонидан уларни саралаши ҳамда қабул қилишида кўлланилган услуб ва ёндашувлар таҳлил қилинганд. Уйбу жараён тарихийлик нуқтаи назаридан саҳобийлар, тобеийлар ҳамда улардан кейин яшаган шахслар даврларига ажратилган ҳолда, уларнинг ҳар бирининг ўзига хос хусусиятлари, амалда қўлланилган услублар манбалар асосида тадқиқ қилинганд. Шу билан бир қаторорда, ҳадислар ёзма жамланиши жараёнининг юзага келиши ҳамда тезлашишига сабаб бўлган омиллар ёритиб берилган. Мақолада ҳадислар ёзма жамланиши тарихининг илк босқичидан торттиб то ҳадис илмининг “олтин аспи” сифатида эътироф этилган IX аср – асосий ҳадис тўпламлари яратилган даверга қадар давом этган жараён “китобат”, “тадвин”, “таълиф” ва “тасниф” босқичларига ажратилиб баён этилган.

Калит сўзлар: Куръон, ҳадис, пайғамбар, саҳобий, тобеий, муҳаддис, мутавотир, оҳод, ҳадис тўплами, китобат, тадвин, таълиф, тасниф, саҳифа, жуз, “ас-Саҳифа ас-садиқа”.

Аннотация: В статье анализируется история письменного собрания хадисов в VII-VIII вв., в частности методы и подходы, используемые хадисоведами при их отборе и принятии. С исторической точки зрения этот процесс делится на периоды сподвижников, последователей и людей, живших после них, на основе источников изучаются особенности каждого из них, применяемые на практике методы. Кроме того, выделены факторы, которые привели к возникновению и ускорению процесса составления хадисов. В статье описывается процесс от первого этапа истории сбора хадисов до девятого века, который признан «золотым веком» хадисоведения - периода создания основных сборников хадисов, разделенных на этапы» китабат», «тадвин», «таълиф» и «тасниф».

Ключевые слова: Коран, хадис, пророк, сподвижник, табиин, муҳаддис, мутаватир, аҳад, сборник хадисов, китабат, тадвин, таълиф, тасниф, саҳифа, жуз, “ас-Саҳифа ас-садиқа”.

Abstract: The article analyzes the history of the written collection of hadiths in the VII-VIII centuries, in particular, the methods and approaches used by the hadith scholars in the selection and adoption of hadiths. From the historical point of view, this process is divided into the periods of the companions, the successors (tabi'een) and the people who lived after them, and the peculiarities of each of them, the methods used in practice were studied on the basis of sources. At the same time, the factors that led to the emergence and acceleration of the process of compiling hadiths are described. From the first stage of the history of the collection of hadiths to the ninth century, which is recognized as the «golden age» of the science of hadith, the process of «kitabah», «tadvin», «ta'lif» and «tasnif» is the process that lasted until the creation of the main collections of hadith.

Keywords: Qur'an, hadith, prophet, companion, successor of a companion, muhaddith, mutawatir, ohod, hadith collections, kitabat, tadwin, ta'lif, tasnif, sahifa, juz, “al-Sahifa al-sadiqa”.

соллаллоҳу алайҳи васаллам оятлар билан ҳадисларнинг аралашиб кетишининг олдини олиш мақсадида уларни ёзма жамлашдан қайтаргандар. Қўйидаги ҳадисда ушбу амр ўз аксини топганини кўриш мумкин:

أَنَّ رَسُولَ اللَّهِ قَالَ لَا تَكْتُبُوا عَيْنِي وَمَنْ كَتَبَ عَيْنِي غَيْرُ الْقُرْآنِ
فَلَيُمْنَحُهُ وَحْدَنُثُوا عَيْنِي وَلَا حَرَجٌ

“Мендан ёзманглар. Ким мендан Куръондан боиқа нарсани ёзган бўлса, учиреб ташласин. Мендан ҳадис айтинглар, бунда зарар йўқдир” (Муслим, 2007:400).

Қуръони карим ислом динининг асосий манбаи бўлиб, унинг лафзи ҳам, маъноси ҳам ўзгартирилмаслиги катъий шарт қилинганд. Шу сабабли Пайғамбар sollalalloҳу алайҳи васаллам саҳобийларни биринчи навбатда оятларни ёзишга

буюрганлар, ҳадислар эса кейинги босқичда ёзилиши кўзда тутилган. Таъкидлаш жоизки, айрим саҳобийлар Пайғамбар sollalalloҳу алайҳи васалламдан ҳадисларни ёзишга рухсат беришни сўраганларида, у зот рад этганига оид кўплаб ривоятлар нақл қилинганд. Жумладан, Абу Саид Худрий (612–693) бу ҳақда қўйидаги маълумотни келтиради:

“Биз Расулуллоҳ (с.а.в.)дан ҳадис ёзишга рухсат сўрадик. Бироқ у зот қўнмадилар” (M. Hamidullah, 2007:54).

Илк ислом даврида саҳобийлар орасида ўқиши ва ёзишни биладиганлари кам учраган. Мавжудлари эса Куръон оятларини ёзиб бориш билан машғул бўлганлар. Вакт ўтиши билан уларга савод чиқаришга бўлган қизиқиш ортиб борган. Натижада Саид ибн Ос (623–679), Саъд ибн Рабиъ Хазражий (ваф. 625), Башир ибн Саъд

НАТИЖА

ибн Саълаба (ваф. 644), Абон ибн Саид ибн Ос (ваф. 634) кабилар ўқиши ва ёзишни ўрганиб олганлар ва ўз навбатида, бошқаларга ҳам ўргата бошлаганлар. Шу тариқа вахий котибларининг сони 40 тагача етган (С. Фаврий, 2009:63). Уларнинг сони кўпайиб бориши ҳадисларнинг ёзма жамланиш жараёнини тезлаштирган.

Юкорида билдирилган фикрлардан келиб чиқкан ҳолда, асосий эътибор саҳобийларнинг Куръонни мукаммал ўзлаштириб, оятларни ёдда саклашларини таъминлаш мақсадида уларнинг хотирасини сайқаллаштириш, оятларнинг ҳадислар билан аралашиб кетишининг олдини олишга қаратилгани сабабли Пайғамбар соллаллоҳу алайҳи васаллам дастлаб ҳадисларни ёзib боришдан қайтаргандар, деган хуносага келиш мумкин. Бунинг мисоли Абу Саид Худрийдан ривоят қилинган қўйидаги ҳадисда ҳам кўринади:

مَا كُنَّا نَكْتُبُ غَيْرَ التَّشَهِدِ وَالْفُرَآنِ.

“Биз ташаҳҳуд ва Куръондан бошқа нарсани ёзмас эдик” (Абу Довуд, 2008:211).

Шу билан бир қаторда, манбаларда Пайғамбар соллаллоҳу алайҳи васаллам оятлар билан бошқа нарсаларнинг битта сахифага ёзилишини истамагани сабабли саҳобийларни ҳадисларни ёзib боришдан қайтаргандарига оид маълумотлар ҳам учрайди (С. Фаврий, 2009:66). Ўша даврда ёзув воситаларининг камёблигини ҳам бунинг сабабларидан бири сифатида келтириш мумкин. Ҳадис илми бўйича тадқикотлар олиб борган олим Абдураҳмон Итрнинг “Маъолим ас-сунна ан-Набавия” номли асарида қайд этилишича, ҳадисларни ёзишдан қайтарилишига уларнинг оятлар билан аралашиб кетиши ёки уларга ўхшаб қолиши ҳамда ёзув воситаларининг этишмаслиги сабаб бўлган (Абдураҳмон Итр, 1986:72–73).

Куръон оятлари нозил бўлаётган дастлабки вактда Пайғамбар соллаллоҳу алайҳи васаллам саҳобийларни ҳадисларни ёзишдан қайтарган бўлсалар, кейинчалик улар оятларни ўзлаштириш кўникмасига эга бўлганларидан сўнг, уларни ёзишга ҳам рухсат берганлар. Кўплаб ҳадисларда бу ҳақда маълумотларни учратиш мумкин. Жумладан, Абу Ҳурайрадан нақл қилинган ривоятда бундай дейилган:

“Расулуллоҳ соллаллоҳу алайҳи васалламнинг саҳобалари орасида ҳадисларни мендан яхшироқ биладигани ийӯқ эди. Абдуллоҳ ибн Амр ибн Ос эса, бундан мустасно бўлиб, у ҳадисларни ёзib борар, мен эса ёзмас эдим” (Ибн Абдулбар, 1994:299).

Умуман, айрим ривоятларда ҳадисларни ёзишдан қайтарилгани, айримларида эса уларни ёзишга буюрилганига оид маълумотлар тадқикотлар ўртасида турли фикрларнинг юзага келишига сабаб бўлган. Бунга бағишлиланган алоҳида тадқикотлар ҳам амалга оширилган (А. Бағдодий, 2008). Вакт ўтиши билан, турли диний-ижтимоий ҳодисаларга боғлиқ равишда ҳадисларнинг адади ҳам ортиб борган. Табиийки, уларнинг барчасини ёдда саклаш қийинлашиб борган, натижада унтиш холатлари ҳам кузатила бошланган. Бу эса, ўз навбатида, ҳадисларни ёзишга рухсат берилишига сабаб бўлган. Жумладан, манбаларда қайд этилишича, саҳобийлардан бири Пайғамбар соллаллоҳу алайҳи васалламнинг олдиларига хотирасининг заифлигидан, ҳадиснинг барча сўзларини ёдida сақлаб қола олмаётганидан шикоят қилиб келади. Пайғамбар соллаллоҳу алайҳи васаллам унга “ўнг қўлидан ёрдам сўраши”ни тавсия қиласидилар (I.Madani, 2010:19). Ушбу маълумотлар ҳадисларни ёзишга рухсат берила бошлаганини кўрсатади. Абу Муҳаммад ибн Қутайба Диноварий (828–889), Абу Сулаймон Ҳаттобий (931–998) каби олимлар эса ёзишга рухсат берилган ҳадислар ёзишдан қайтариш маъносида келган ривоятларни насх қиласидилар.

Манбаларда Пайғамбар соллаллоҳу алайҳи васаллам Абдуллоҳ ибн Амр ибн Ос (ваф. 683) каби айрим саҳобийларга ҳадисларни ёзишга рухсат берганларига оид маълумотлар учрайди (Абу Захъ, 1984:54). Улардан Абдуллоҳ ибн Амр ҳадисларни ёзма жамлаган шахс сифатида маълум бўлган. Умуман, илк ислом даврида ҳажман кичик, тизимлаштирилмаган ҳадис тўпламлари мавжуд бўлганнига оид маълумотлар ҳам учрайди. Жумладан, Абдуллоҳ ибн Амр ёзма жамлаган ҳадислар тўплами “ас-Саҳифа ас-Содиқа” деб номланган (М. Хавлий, 1986:30).

Ушбу тўпламга саҳиҳ ҳадислар киритилган бўлиб, у кейинчалик Абдуллоҳ ибн Амрнинг невараси Амр ибн Шуайб (ваф. 895) томонидан ривоят қилинган. Бундан ўша даврда ўзига хос ҳадис тўпламлари мавжуд бўлгани, улар умумий ном билан “саҳифа” ёки “сұхуф” деб номлангани ҳақидаги хуносага келиш мумкин. Афсуски, ушбу тўплам намуналари бизгача деярли етиб келмаган. Бундай ҳадис тўпламларидан бири ҳиндистонлик олим Муҳаммад Ҳамидуллоҳ (1908–2002) томонидан аниқланган ҳамда тадқик

етилиб, замонавий нашри амалга оширилган (M.Hamidullah, 2007). Бунинг натижасида илк ислом даврида яратилган ҳадис тўпламларининг ўзига хос хусусиятлари, шу жумладан, таркибий тузилишини тадқиқ килиш имконияти пайдо бўлди. Шуни алоҳида таъкидлаш лозимки, ушбу даврда ҳадислар одамларнинг шахсий фойдаланишлари учун, тизимлаштирилмаган холда жамланган.

Шуни таъкидлаш лозимки, Пайғамбар соллаллоҳу алайҳи васалламнинг қўшни мінтақаларга юборган мактублари ҳам ўша даврда ҳадисларнинг ёзилганига далил бўлади. Манбаларда қайд этилишича, бундай хатлар Яман, Баҳрайн, Ямома, Хазрамавт, Уммон каби ўлкаларга юборилган (Абу Захв, 1984:87). Улар ислом таълимотининг бошқа худудларда кенг тарқалишига хизмат қилган.

Пайғамбар соллаллоҳу алайҳи васаллам вафотидан сўнг мусулмонлар ўртасида халифа тайинлаш масаласида ихтилоф, айрим қабилаларнинг диндан қайтиш ёки закотни тўлашдан бош тортиш каби ҳолатлар кузатилди. Ушбу масалаларга ечим топишга бўлган уринишлар натижасида ҳадисларга нисбатан қизиқиш ортиб кетди. Зотан, Пайғамбар соллаллоҳу алайҳи васаллам тириклигига ўзларини қизиқтирган ҳар қандай саволнинг жавобини бевосита у зотнинг ўзидан олган саҳобийлар, энди бунинг учун Қуръон ва ҳадисларга мурожаат қилишга мажбур бўлганлар. Улар орасида барча ҳадисларни тўлиқ ёддан биладиганлари кам бўлган. Шу сабабли ҳадисларни ёзма жамлаш зарурати юзага келган.

Шу билан бир қаторда, Пайғамбар соллаллоҳу алайҳи васалламдан кейин айрим шахслар томонидан ғаразли мақсадда ҳадисларнинг асл мазмунини ўзгартириш, тўқима ҳадисларни тарқатиш каби ҳолатлар учрай бошлаган. Ушбу салбий ҳолатнинг олдини олиш мақсадида саҳобийлар имкон қадар камроқ ҳадис ривоят қилишга ҳаракат килганлар. Жумладан, мусулмон олими Диноварийнинг фикрига кўра, Умар ибн Хаттоб (634–644) халифалиги даврида саҳобийлардан ҳадисларни ривоят қилишда эҳтиёт бўлиш, гувоҳи йўқ бўлган ривоятларни инкор қилиш талаб қилинган (М. Ҳатиб, 1981:92). Шу тариқа ҳадис ривоят қилинганда унинг ровийлари ҳакида сўраш анъанаси пайдо бўлган. Бунга қадар эса санад ҳакида сўралмас эди. Чунки саҳобийлар бир-бирларини яхши таниганлари сабабли улар орасида ҳадисларнинг ўзгартирилиши ёки тўқилиши деярли кузатилмаган. Мұхаммад ибн

Сийрин (653–729)нинг “Дастлаб ҳадиснинг санади ҳакида сўралмас эди. Бироқ фитналар юзага келганидан сўнг инсонлар бир-бирларига “Бизга ровийларингизни айтинглар”, дейдиган бўлдилар. Шу тариқа аҳли сунна вал жамоа томонидан нақл қилинган ривоятлар олиниб, фитна аҳли келтирган ривоятлар эса инкор қилина бошлаган” (Сибоъий, 2000:108-109). деган фикри ҳам юқорида келтирилган маълумотни тасдиқлайди. Бунинг натижасида эса ҳадисларни текшириш, саралаш ва қабул қилинганинг илмий коида ва услублари шаклланган. Жумладан, ривоятнинг ишончлилик дараҷасини аниқлашда унинг санади муҳим ўрин тута бошлаган. Санадга бўлган эътибор, айниқса, VIII асрга келиб ортиб кетди.

Санад устида ҳатто ғарблик тадқиқотчилар томонидан ҳам илмий изланишлар олиб борилганини кўриш мумкин. Немис олими Жозеф Шахт (1902–1969) ушбу тизимнинг ilk ислом даврида мавжуд бўлиб, VIII аср ўрталари – IX асрда яратилган ҳадис тўпламларида ўз ривожининг чўққисига чиққанини таъкидлаб ўтган (Schacht, 1979:163).

Ҳадисларни ёзма жамлаш борасида амалга оширилган ишлар ҳакида шуни айтиш мумкинки, ушбу фикри биринчи бўлиб илгари сурган шахс Умар ибн Хаттоб ҳисобланади. Урва ибн Зубайр (643–713) берган маълумотга кўра, у саҳобийлар билан бу ҳақда кенгаш қилган. Саҳобийлар ҳадисларни ёзма жамлаш ҳақидаги таклифга ижобий жавоб берганлар. Бироқ кейинчалик Умар ибн Хаттоб ушбу фикридан қайтиб, саҳобийларга: “Мен суннани ёзмоқчи эдим. Бироқ сизлардан олдин ўтганлар китоблар ёзиб, ушбу китобларга берилиб кетганларидан Аллоҳнинг Китобини тарқ этганлари ёдимга тушди. Мен Аллоҳнинг Китобини бошқа нарсага алмаштирумайман”, деган (Байҳақий, 1984:80-81).

Умуман, саҳобийлар, хусусан, Зубайр ибн Аввом, Абу Убайда Омир ибн Абдуллоҳ (584–639), Аббос ибн Абдулмутталиб (568–653) қабилар ҳадис ривоятида хатога йўл кўйиш, унга асли йўқ бўлган нарсаларнинг қўшилиб кетишининг олдини олиш мақсадида кўп ҳадис нақл қилишдан тийилганлар. Чунки ислом дини таълимотига кўра, динда хатога йўл кўйиш оғир гуноҳлардан ҳисобланаб, саҳобийлар ушбу масъулиятни чуқур ҳис қилганлар. Бугунги кунда ҳам айни жавобгарлик ҳиссини англамаслик айрим шахслар томонидан ислом динига ёт бўлган ғояларнинг тарқатилишига сабаб бўлмоқда.

МУҲОКАМА

Хадисларнинг ёзма жамланиш тарихи борасида тадқиқотчилар томонидан турли фикрлар билдирилган. Жумладан, ҳадисларни ўрганган олим Абисон Мутайрий ўзининг “Тарих тадвин ас-сунна ва шубухат ал-мустанширикун” номли асарида ҳадисларнинг ёзма жамланиш тарихини китобат (كتابة)، тадвин (تزوين)، таълиф (تصنيف) босқичларига ажратган ҳолда тадқиқ қилган (Мутайрий, 2002). Мазкур босқичлар маълум муддат давом этган тарихий давр бўлиб, уларнинг ҳар бирида ҳадисларнинг ёзилиши ва жамланиши ўзига хос кўринишда кечган. Мазкур атамаларнинг ҳар бири ўзига хос мазмун-моҳиятга эга бўлиб, жумладан, “китобат” бирор нарсага ёзилган сўз ёки рақамни, “тадвин” ёзувларни бир жойга жамлашни, “таълиф” турли мавзуларга оид ёзувларни бир жойга жамлашни, “тасниф” эса ёзувларни боб ва фаслларга ажратилган ҳолда, яъни муайян тартибга солинган ҳамда тизимлаштирилган шаклда жамлашни ифодалайди (Фаврий, 2009:57–58).

Мутайрийнинг келтиришича, ҳадислар ёзма жамланиш тарихининг китобат босқичи ҳижрий биринчи йилда бошланиб, сўнгги саҳобий халифа Абдуллоҳ ибн Зубайрнинг вафотига қадар, яъни ҳижрий 83 йилгача давом этган (Мутайрий, 2002:35). Ушбу даврда саҳобийлар томонидан шартномалар, васиқалар, мактублар ва фикхий масалаларнинг ечимлари ёзип борилган. Жумладан, саҳих тўпламларда Абу Бакр (632–634) закот масаласига оид ҳадисдан нусха кўчиртириб, зарур бўлганда ундан фойдаланганига оид маълумотлар берилган (Бухорий, 1997:309). Умар ибн Абдулазиз (681–720) Мадина шаҳри волийси сифатида фаолият кўрсатганида Солим ибн Абдуллоҳ (ваф. 724)дан ушбу нусхани сўраттириб олгани маълум. Шу билан бир қаторда, умавий ҳукмдор Ҳишом ибн Абдулмалик (724–743) ундан бир нечта нусха кўчиртириб, халифалик таркибидаги ўлкаларга амалий қўлланма сифатида тарқаттирган. Али ибн Аби Толиб (656–661)да ҳам айrim фикхий масалаларга оид ҳадислар ёзилган сахифа бўлган (Сиботый, 2000:41).

Саҳобийлар орасида Абдуллоҳ ибн Амр, Абдуллоҳ ибн Масъуд (ваф. 652), Абдуллоҳ ибн Аббос (619–687), Анас ибн Молик (613–711) кабилар ҳадисларни ёзма жамлашда қолганларга нисбатан фаолроқ бўлганлар. Қибитий (ваф. 660), Саъд ибн Убода Ансорий (ваф. 635), Абу Мусо

Ашъарий (ваф. 664), Самура ибн Жундуб (ваф. 677), Абу Рофеъ, Абу Хурайра (603–678), Жобир ибн Абдуллоҳ (606–697), Абдуллоҳ ибн Абу Авфа (ваф. 705), Ҳаммом ибн Мунаббих (660–750), Абдуллоҳ ибн Амр, Абу Салама Нубайт ибн Шарит Ашжай кабиларда эса ўзларининг шахсий саҳифалари мавжуд бўлган (Фаврий, 2009:76–77). Улар орасидан Абдуллоҳ ибн Амр, Анас ибн Молик, Саъд ибн Убода, Самура ибн Жундуб кабилар ҳадисларни ёзип бориш учун шахсан Пайғамбар соллаллоҳу алайхи васалламдан руҳсат сўраганлар (Мутайрий, 2002:41–45).

Юқорида келтирилган маълумотлар ҳадисларнинг Пайғамбар соллаллоҳу алайхи васалламтириклигидеёқ саҳобийлар томонидан ёзила бошланганини кўрсатади. Жумладан, Абу Бакр Анас ибн Моликка закот масалаларига оид, Умар ибн Хаттоб Утба ибн Фурқад ва Абу Убайда ибн Жарроҳ (584–639)га, Али ибн Аби Толиб Усмон ибн Афон (576–656)га, Оиша бинт Абу Бакр (ваф. 678) Муовия ибн Абу Суфён (608–680)га, Абдуллоҳ ибн Зубайр (623–693) Утба ибн Масъудга ҳадислар ёзилган хатларни юборганлари манбаларда кайд этилган (Мутайрий, 2002:46–47). Бироқ VII асрнинг биринчи ярмида ҳадислар китоб шаклида жамланмаган ҳолатда бўлганини алоҳида таъкидлаб ўтиш лозим.

Шуни таъкидлаш керакки, илк ҳадис тўпламилари муайян фиқҳий масалага оид ҳадисларни ўзида жамлаган “жуз” (جزء) – қўплик шакли “ажзоръ” (أجزاء) кўринишида бўлиб, “кисм”, “бўлак” деган маъноларни англатади – китобларидан иборат бўлган. Ушбу тўпламларнинг ўзига хос хусусияти сифатида шуни айтиш мумкинки, уларда факат битта мавзуга оид ҳадислар қамраб олинган эди. Жумладан, Зайд ибн Собит (611–665)да фароиз, Жобир ибн Абдуллоҳда ҳаж масалаларига оид ҳадислар жамланган мана шундай тўпламлар бўлгани маълум (Мутайрий, 2002:39–40).

VII асрнинг ўрталарида келиб, мусулмон жамиятларида содир бўлган ижтимоий-сиёсий ҳодисалар, шу жумладан, ҳадисларни ёддан билган саҳобийларнинг вафот эта бошлиши, янги юзага келган масалаларнинг ечимларини топишга бўлган уриниш, суннани турли салбий ташқи омиллардан ҳимоя қилиш зарурати натижасида ҳадисларни тадвин қилиш эҳтиёжи пайдо бўлди.

Шу тариқа, VII асрнинг охирларида келиб, ҳадисларни тадвин қилиш жараёни бошланди (Madani, 2010:18–19).

Манбаларда ҳадисларни ёзма жамлашга расмий буйруқ берган илк шахс сифатида Умар ибн Абдулазизнинг номи зикр этилган (Ж.Ҳамроқулов, 2014). Бироқ аслида бунга қадар ҳам расмий доирада ушбу ишни амалга оширишга бўлган ҳаракатлар кузатилган. Жумладан, Умар ибн Абдулазизнинг отаси Абдулазиз ибн Марвон (ваф. 705) ҳамда бобоси Марвон ибн Ҳакам (623–685)лар ҳадисларни ёзма жамлаш бўйича расмий топширик берганлар.

Маълумки, Абдулазиз ибн Марвон Мисрда волий бўлиб фаолият кўрсатаётганида тобеинлардан бўлган Касир ибн Муррага хат ёзиб, ундан Абу Ҳурайрадан бошқа ровийлар нақл қилган ҳадисларни ёзиб юборишини сўрайди. Чунки Абу Ҳурайра томонидан ривоят қилинган ҳадислар бунга қадар Марвон ибн Ҳакам томонидан ёздириб олинган эди. Бунга ўхшаш мисолларни кўплаб келтириш мумкин.

Умуман, ҳадисларни тадвин қилиш жараёни сахобийлар даврининг охирларида бошланиб, тобеийлар томонидан давом эттирилган. Жумладан, сахобийларнинг шогирдларидан бўлган Макхул (ваф. 730), Зухайрий, Робиа ибн Абдураҳмон (ваф. 759) кабилар ҳадисларни тадвин қилганлар. Ушбу жараён ўша вақтда сахобийлар мавжуд бўлган барча шаҳар ва қишлоқларни қамраб олган бўлиб, асосан, таҳорат, намоз, закот ва бошқа ибодат масалаларига оид ҳадисларни жамлаш кизиқиши кузатилган.

Шуни алоҳида таъкидлаб ўтиш лозимки, ушбу даврда ҳадисларни тадвин қилиш расмий ва илмий йўналишларда кечган. Халифа ва волийлар томонидан чиқарилган буйруклар ҳам ҳадисларнинг ёзилиш жараёнини тезлаштирган. Бу хақда суннани биринчилардан бўлиб ёзган шахслардан бири Абу Бакр Мұхаммад ибн Мұслим Зухрий (671–741) кўйидаги маълумотни келтиради: “Умар ибн Абдулазиз бизга суннани ёзма жамлаш вазифасини топширди. Биз уларни дафтарларга жамладик. Сўнгра ҳар бир волийга биттадан дафтар юборилди” (ибн Абдулбар, 1994:331).

Умар ибн Абдулазиз бундай вазифаги юкоридаги мисолдан ташқари Мадина қозиси Абу Бакр Мұхаммад ибн Амр ибн Ҳазм (616–674) ҳам топширгани маълум. У Мадина ахли орасида тарқалган ҳадисларни жамлаган бўлса, Ибн Шиҳоб Зухрий ҳадислар билан бир қаторда, сахобийларнинг фикҳий қарашларини ҳам тўплаб борган.

Биринчилардан бўлиб Ибн Шиҳоб Зухрий, Абу Зинод, Солиҳ ибн Кайсон (660–757) каби шахслар ҳадисларни тадвин қилиш билан шуғулланганлар. Улардан кейин ушбу вазифани Маккада Абдулмалик ибн Абдулазиз ибн Журайж (699–767), Мұхаммад ибн Исҳоқ (703–768), Мадинада Саид ибн Абу Аруба (689–773), Робиъ ибн Субайҳ, Молик ибн Анас (711–795), Басрада Ҳаммод ибн Салама (ваф. 783), Куфада Абу Абдуллоҳ Суфён ибн Саид ибн Масрук Саврий (716–777), Шомда Абу Амр Авзой, Хурасонда Абдуллоҳ ибн Муборак (736–798), Яманда Маъмар ибн Рошид (714–770), Райда Жарир ибн Абдулҳамид (728–804), Санъода Абдураззоқ ибн Ҳумом Санъоний (744–826)лар давом эттирганлар (Абу Захв, 1984:244).

Илмий йўналишда тобеинлар орасидан етишиб чиқкан олимлар сахобийлар ёдда сақлаган ёки ёзиб кўйган ҳадисларни ёдлаш, ўрганиш ҳамда тадвин қилиш билан машғул бўлганлар. Айни вақтда улар сахобийларнинг фикҳий қарашларини ҳам жамлаб борганлар. Натижада ҳадис тўпламларига сахобийларнинг фикрларини ҳам киритиш одат тусига айланган. Бунинг тасдиғини кўйидаги маълумотда ҳам кўриш мумкин. Солиҳ ибн Кайсон: “Мен Зухрийнинг олдига бордим. Биз илм талабида ҳадисларни ёзишга қарор қилдик. Шу тариқа Расулуллоҳ соллаллоҳу алайхи васалламдан нақл қилинган ривоятларни ёзиб олдик. Сўнгра Зухрий: “Сахобийлардан нақл қилинганларини ҳам ёзамиз, улар ҳам сунна ҳисобланади”, – деди. Мен: “Улар сунна эмас, уларни ёзмаймиз”, деб жавоб бердим. Зухрий сахобийларнинг сўзларини ҳам ёзди, мен эса ёзмадим”, деган (Ибн Абдулбар, 1994:332).

VII асрнинг иккинчи ярмидан бошлаб ҳадисларни илмий йўналишда тадвин қилиш жараёнига сахобийларнинг шогирдларидан бўлган Абдуллоҳ ибн Зайд (591–652), Абдуллоҳ ибн Умар ибн Хаттоб (610–693), Мұхаммад ибн Ҳанафия (636–700), Омир Шаъбий (641–723), Ҳасан ибн Абулҳасан Басрий (642–728), Урва ибн Зубайр (644–713), Ато ибн Абу Рабоҳ (647–732), Мұхаммад ибн Сийрин (653–729), Муовия ибн Қурра (656–731), Саид ибн Жубайр (665–714), Мұхаммад ибн Али ибн Ҳусайн ибн Абу Толиб (676–732), Курайб ибн Аббос (ваф. 712), Солим ибн Абулжаъд (ваф. 718), Макхул Шомий (ваф. 730), Қатода ибн Диома (ваф. 736), Сулаймон ибн Мусо (ваф. 737),

ХУЛОСА

Абдуллоҳ ибн Мұхаммад ибн Үқайл ибн Абу Толиб (ваф. 762), Амр ибн Шуайб ибн Мұхаммад ибн Абдуллоҳ ибн Амр ибн Ос (ваф. 895), Сулаймон ибн Қайс, Хулос ибн Амр, Башир ибн Нуҳайк каби олимлар салмоқли ҳисса құшганлар.

Умуман олғанда, тобеинлар даврида ҳадисларни илмий үрганиш саҳобийлар даврига қаранды кенг тарқалған. Бунга ривоятларнинг турли ҳудудларға ёйилиши, санад йўлларининг кенгайиши, ровийлар исм ва куняларининг хилма-хиллиги, ҳадисларни ёддан билған шахсларнинг вафот этишлари, арабларға хос бўлған ёдда сақлаш малакасининг заифлашиши, турли бидъатларнинг кўпайиши каби бир қатор омиллар сабаб бўлған.

Тобеинлар орасида Мужоҳид ибн Жабр (645–722), Саид ибн Жарир (665–714), Абу Қилоба (ваф. 723), Зайд ибн Абу Униса (ваф. 742), Абу Зубайр Мұхаммад ибн Мұслим (ваф. 746), Айюб ибн Абу Тамима (687–749), Ҳишом ибн Үрва ибн Зубайр (680–763) қабиларда ҳадислар жамланган сахифалар мавжуд бўлған (Захравоний, 2005:75).

VIII асрда кичик тобеинлар ҳамда улардан кейингилар ҳадисларни тадвин килишни давом эттирганлар. Ушбу даврда ривоятларни тизимлаштирилган, шу жумладан, алоҳида бобларга ажратилган ҳолда жамлаш анъанаси шаклланган. Шу билан бир қаторда, бу даврда илк мусаннаф тўпламлари ҳам яратила бошланган. Саҳобий ва тобеинлар даврининг охирларига келиб ҳадислар алоҳида бобларга ажратилган ҳолда тадвин қилинган бўлса-да, бирок уларни тасниф қилиш жараёни кейинги даврларда амалга оширилган (Захравоний, 2005:80). Умуман, ҳадисларни тадвин қилиш тахминан хижрий 70 йилда бошланиб, 120 йилга қадар давом этган (Мутайрий, 2002:50).

Ҳадисларни тасниф қилиш эса хижрий 120 йилдан бошланиб, тахминан 150 йилга қадар давом этган (Мутайрий, 2002:83). Ушбу босқичда илк сунан тўпламлари вужудга кела бошлаган, Макка, Мадина, Шом, Ирок ва Миср каби ҳудудларда тасниф жараёни кенг тус олган. Абдулмалик ибн Журайж, Саид ибн Абу Аруба, Абдураҳмон ибн Амр Авзойй, Маъмар ибн Рашид, Шўъба ибн Ҳажжож (702–777), Суфён Саврий, Зоида ибн Кудома (ваф. 778), Ҳаммод ибн Салма (ваф. 783), Лайс ибн Саъд (713–791), Абу Авона Ваззоҳ ибн Ҳолид, Молик ибн Анас каби олимлар ҳадисларни тасниф қилинишига улкан ҳисса қўшганлар.

Этник хилма-хиллик, турли дин ва маданиятлар қоришуви, ислом тарқалған ҳудудларнинг географик жиҳатдан тезлик билан кенгайиб бориши натижасида мусулмон жамиятида юзага келаётган турли масалаларга жавоб топиш, Пайғамбар соллаллоҳу алайҳи васаллам вафотларидан сўнг пайдо бўла бошлаган турли адашган диний оқимларнинг деструктив фаолиятига қарши курашиш, жамиятдаги айрим ғоявий ва фикрий бўлинишларга барҳам бериб, эътиқодий бирликни асрар қолиши зарурати ҳадисларни үрганишига бўлган қизиқишининг кескин ўсишига сабаб бўлди. Зоро, турли оқимлар, кўп ҳолларда ҳатто айрим шахслар томонидан ҳадислардан турли мақсадларда фойдаланиш, асли мавжуд бўлмаган ҳадисларнинг тўқилиши, мавжудларига эса ислом таълимотига тўғри келмайдиган ёт шарҳ ва таъвилларнинг берилиши жараёни айрим мусулмонларнинг тўғри йўлдан адашишларига олиб келди. Буларнинг натижасида олимлар олдида ҳадисларни илмий-танқидий үрганиш, саралаш, жумладан, ишончлисими ишончсизидан ажратиб бериш, қабул қилишдек муҳим ва кечикириб бўлмас вазифа туғилди. Улар томонидан ишлаб чиқилган ҳадисларни саралаш ва қабул қилишининг илмий тамойиллари, қонун-қоидалари мутаассиб оқимлар ботил ақидавий қарашларининг тўқима ҳадислар ёки ривоятларга берилган нотўғри шарҳ ва таъвил кўринишида кенг тарқалиб кетишининг олдини олишга хизмат қилди.

Шу сабабли илк ислом даврида саҳобийлар орасида Абу Бакр Сиддиқ, Умар ибн Хаттоб, Усмон ибн Аффон, Али ибн Абу Толиб қабилар ушбу заруратни англаб етган ҳолда, ҳадисларга турли тўқима ривоятлар аралашиб кетишининг олдини олишга, саҳих ривоятларни ёзма ёки оғзаки шаклда узатиш орқали жамлаш ва саклаб қолишига алоҳида эътибор қаратдилар. Саҳобийлар даврида ҳадисларнинг ёзма жамланиш жараёни китобат – мавжуд ёзув воситаларига уларни ёзиб бориш орқали кечди. Кейинчалик, ҳукмдорлар ва қозиларнинг турли масалалар юзасидан ҳукм чиқариш фаолиятини осонлаштириш мақсадида саҳобийлар даврида турли ашёларга ёзилган ҳадисларни девонларга тўплаш вазифаси амалга оширилди. Бу ҳадис илми тарихида ривоятлар ёзма жамланишининг тадвин босқичи сифатида намоён бўлди.

Мұхаддис олимлар томонидан ҳадисларни Ѽзма жамлаш методологияси ва услублари янада ривожлантирилгач, ҳадислар жамланған алохida китобларни яратиш – таълиф, сўнгра яратилған ушбу китобларни муайян тартиб ва тизимга соглан ҳолда бобларга ажратилған ҳолда қайта ишлаш – тасніф жараёни содир бўлди. Шу тариқа II/VIII асрнинг иккинчи ярми – III/IX аср бошларида бугунги кунда бизга қадар етиб келган ҳадис тўпламларида қўлланилған деярли барча ёндашув ва услублар шакллантирилиб, такомиллаштирилди. Кейинги даврда яратилған барча тўпламлар асосан ушбу услублар атрофида тасніф этилди.

МАНБА ВА АДАБИЁТЛАР РЎЙХАТИ

1. Абдурахмон Итр. Маъолиму-с-суннати-н-набавия. – Иордания: Мактабату-л-манор, 1986.
2. Абисон Мутайрий. Тарих тадвии-с-сунна ва шубуҳату-л-мусташирикн. – Қувайт: Жомиъату-л-Кувайт, 2002.
3. Абу Бакр Аҳмад ибн Али ибн Собит Хатиб Бағдодий. Тақииду-л-илм. – Кохира: Дору-л-истиқома, 2008.
4. Абу Бакр Байҳақий. ал-Мадхал ила-с-сунани-л-кубро. – Қувайт: Дору-л-хулафа ли-л-китоби-л-исломий, 1984.
5. Абу Довуд Сулаймон ибн Ашъяс. Сунан. – ар-Риёз: Мактаба дори-с-салом, 2008. Ж. 4.
6. Абу Бакр Байҳақий. ал-Мадхал ила-с-сунани-л-кубро. – Қувайт: Дору-л-хулафа ли-л-китоби-л-исломий, 1984.
7. Абу-л-Ҳусайн Муслим ибн Ҳажжож. Саҳиҳу-л-Муслим – ар-Риёд: Мактаба дори-с-салом, 2007. Ж. 7.
8. Абу Умар Юсуф ибн Абдулбар. Жомиъ баёни-л-илм ва фазлихи. – Ар-Риёд: Дор ибн Жавзий, 1994.
9. Гиргас В.Ф. Арабско-русский словарь к Корану и ҳадисам. – Москва: Диля, 2006.
10. Джон Бёртон. Мусульманское предание: Введение в ҳадисоведение. – Москва: Диля, 2006.
11. Ж. Ҳамроқулов. Ҳадис илми истилоҳлари. – Тошкент: Мовароуннаҳр, 2014.
12. Joseph Schacht. The Origins of Muhammadan Jurisprudence. – London: Clarendon Press, 1979.
13. Ibrahim Madani. The Preservation of Hadith / a Brief Introduction to the Science of Hadith. – New York: Madania Publications, 2010.
14. Мұхаммад Абдулазиз Ҳавлий. Тарих фунуни-л-ҳадиси-н-набавий. – Байрут: Дор ибн Касир, 1986.
15. Мұхаммад ибн Исмоил Бухорий. Саҳиҳу-л-Бухорий. – ар-Риёз: Мактаба дори-с-салом, 1997. Ж. 2.
16. Мұхаммад ибн Матор Захравоний. Тадвину-с-суннати-н-набавия нашъатуҳу ва татаввуруҳу мина-л-қарни-л-аввал ила ниҳояти-л-қарни-т-тасиъи-л-хижрий. – Мадина: Мактаба дори-л-минҳаж, 2005.
17. Мұхаммад Ижож Ҳатиб. ас-Сунна қабла-т-тадвин. – Байрут: Дору-л-Фикр, 1981.
18. Muhammad Hamidullah. The Emergence of Islam. – India: Adam Publishers & Distributors, 2007.
19. Мұхаммад Мұхаммад Абу Заҳв. ал-Ҳадис ва-л-мұхаддисун ав инояту-л-уммати-л-исломия би-с-суннати-н-набавия. – Байрут: Дору-л-китоби-л-арабий, 1984.
20. Мустафо Сибоъий. ас-Сунна ва маканатуҳа фи-т-ташрии-л-исломий. – Байрут: Дору-л-варрок, 2000.
21. Сайид Абдулмажид Фаврий. ас-Суннату-н-набавия хужжийятуҳа ва тадвинуҳа. – Байрут: Дор ибн Касир, 2009.

